

खबरां

- प्रधानमंत्री नरेन्द्र मोदी होरें देहरादून च उत्तराखंड दे स्थापना दिवस आहले सिल्वर जुबली समारोह च हिस्सा लैता। श्री मोदी होरें 8 ज्हार करोड़ रुपें शा मते दिएं केई विकास परियोजनाएं गी शुरु करोआया।
- बिहार च असैम्बली चुनां दे दुए ते अखीरले गेड़ लेई चुनां प्रचार अज्ज संझा मुक्की गेआ ऐ।
- राष्ट्रपति द्रौपदी मुर्मु होरें लुआंडा च अंगोला दे राष्ट्रपति हुं'दे कन्नै दपक्खी गल्लबात कीती।
- आरएसएस दे सरसंघचालक मोहन भागवत होरें आखेआ ऐ जे उं'दा संगठन, समाज च बंडु खत्म करने लेई जन सम्पर्क कार्यक्रम दे राहें समाजी सद्भाव लेई कम्म करग।
- गुजरात ए.टी.एस. ने गांधीनगर थमां आईएसआईएस कन्नै जुड़े दे त्रै संदिग्ध आतंकवादिएं गी गिरफ्तार कीता ऐ।
- ते भारती वायु सेना ने अपनी 93में-मीं बरेंगंड दे मौके उप्पर गुवाहाटी च ब्रह्मपुत्र नदी पर इक शानदार फ्लाई पास्ट दा प्रदर्शन कीता ऐ।

<><><><><><>

**PM-Uttarakhand**

उत्तराखंड अज्ज अपने स्थापना ध्याड़े दा रजत जयंती समारोह मना'रदा ऐ। इस मौके पर प्रधानमंत्री नरेन्द्र मोदी होरें देहरादून दे वन अनुसंधान संस्थान च आयोजित इक कार्यक्रम च 8 ज्हार करोड़ रुपे थमां बद्द लागत आहिलएं कई विकास परियोजनाएं दा लोकार्पण कीता ते नींह पत्थर रक्खे। एहू परियोजनां पेयजल, सिंचाई, तकनीकी शिक्षा, ऊर्जा, शहरी विकास, खेल ते कौशल विकास समेत कई मुख्ख खेत्तरें कन्नै सरबंधत न। प्रधानमंत्री फसल बीमा योजना दे तेहत श्री मोदी होरें 28 ज्हार थमां बद्द करसानें दे बैंक खातें 62 करोड़ थमां बद्द रुपे दी वित्तीय सहायता राशि तकसीम कीती। इस मौके पर प्रधानमंत्री होरें इक स्मारक डाक टिकट बी जारी कीता। समारोह गी संबोधित करदे होई उनें राज्य दी स्थापना दी रजत जयंती पर उत्तराखंड दे लोकें गी बधाई दिती। उनें आखेआ जे पिछले 25 बरें थमां उत्तराखंड नै बक्ख-बक्ख खेत्तरें च महत्वपूर्ण प्रगति कीती ऐ। श्री मोदी होरें राज्य दी गलाया जे डबल इंजन दी सरकार उत्तराखंड गी विकास दी नमीं ऊंचायें पर लेई जाने आस्तै निरन्तर कम्म करा'रदी ऐ। प्रधानमंत्री होरें इस मौके पर इक्क नमैश दा बी उद्घाटन कीता।

<><><><><><>

**PM Bhutan Tour**

प्रधानमंत्री नरेन्द्र मोदी होर 11 नवंबर गी दऊं दिनें दी भूटान यात्रा पर होडन। इस यात्रा दरान मोदी ते भूटान दे राजा जिग्मे खेसर नामग्याल वांगचुक इक ज्हार 20 मैगावाट दी 'पुनात्सांगदू-2 पनबिजली परियोजनां दा उद्घाटन करडन। भारत ते भूटान नै इस परियोजना गी सांझे तौरा पर विकसित कीता ऐ। प्रधानमंत्री होर भूटान दे चौथे राजा जिग्मे सिंगये वांगचुक हुंदी 70मीं जयंती दे सिलसिले च लगगा'रदे इक समारोह च बी शामिल होडन ते भूटान दे प्रधानमंत्री शेरींग तोबगे हुंदे नै मलाटी बी करडन। एहूदे अलावा अपने दौरे दरान मोदी हुंदा वैश्विक शांति प्रार्थना समारोह च हिस्सा लैने ते थिम्पू च ताशीछोदजोंग च पवित्र अवशेषें दी पूजा-अर्चना करने दा बी कार्यक्रम ऐ।

<><><><><><>

## **Bihar Election Campaigning**

बिहार विधानसभा चुनाव प्रचार के अजब अखीरी ध्याडे सभने राजनीतिक दले के स्टार प्रचारके ते बडे नेताएं मतदाताएं गी अपनी-अपनी पार्टी के मेदवार के हक्के च करने लेई पूरी टिल्ल लाई। चुनाव प्रचार संझा 6 बजे खत्म होई गेआ। एनडीए ते महागठबंधन के नेताएं बक्ख-बक्ख विधानसभा खेत्तरे च रैलियां ते रोड शो कीते। भारती जनता पार्टी के स्टार प्रचारके च केंद्री मंत्री ते वरिष्ठ नेता अमित शाह, राजनाथ सिंह, शिवराज सिंह चौहान ते होर कई बडे नेताएं चुनावी सभाएं गी संबोधित कीता। तोआई, कांग्रेस के वरिष्ठ नेता राहुल गांधी होरे महागठबंधन के मेदवारे आस्तै किशनगंज ते पूर्णिया च जनसभाएं गी संबोधित कीता।

<><><><><><>

## **PM-Scindia Article**

प्रधानमंत्री नरेन्द्र मोदी होरे पूर्वोत्तर क्षेत्र विकास मंत्री ज्योतिरादित्य सिंधिया हुं'दे आसेआ लिखे के इक लेख गी सांझा कीता ऐ जेहदे च पूर्वोत्तर गी अष्टलक्ष्मी आखेआ गेदा ऐ। इक सोशल मीडिया पोस्ट च प्रधानमंत्री होरे आखेआ ऐ जे एह लेख दर्शादा ऐ जे किस चाल्ली एह क्षेत्र दक्खनपूर्व एशिया लेई भारत दा कुदरती दाखलीद्वार बनै करदा ऐ। उने अगे आखेआ कि पूर्वोत्तर छडा भारत दी सीमा नेई सगुआं एहदा भविक्ख दा सरूप ते पैहली पंछान बी ऐ।

<><><><><><>

## **Prez.- Angola Counterpart**

राष्ट्रपति द्रौपदी मुर्मु होरे लुआंडा च अंगोला के राष्ट्रपति जोआओ लौरेंसो हुं'दे कन्नै दपक्खी गल्लबात कीती। एहदे शा पैहले, अंगोला पुज्जने पर लुआंडा स्थित राष्ट्रपति भवन च उं'दा शानदार औपचारिक सुआगत कीता गेआ ते उं'नेगी सलामी गारद दित्ता गेआ। दौने नेताएं भारत ते अंगोला बश्कार बहुआयामी सांझ-भ्याली गी होर मजबूत करने के उपाएं पर व्यापक चर्चा कीती। गल्लबात के दरान, राष्ट्रपति मुर्मु होरे बक्ख-बक्ख खेत्तरे च सैह्योग बधाने के महत्व पर बल दित्ता। उं'ने उत्कृष्ट संसदी प्रथाएं के आदान-प्रदान, कृषि - खासतौरा पर बीएं ते हैले - तेल, संचार के ट्रांसपोर्ट ढांचा, दुर्लभ खनिजे ते हीरे गी तैयार करने जेह खेत्तरे च सैह्योग दिएं संभावनाएं पर बचार कीता। राष्ट्रपति होरे इं'दे चा केइएं खेत्तरे च भारत दी म्हारत पर लोऽ पाई ते आखेआ जे भारत, आपसी विकास के समृद्धि लेई एकडे मौके दा लाह ठोआने च अंगोला कन्नै मिलिये कम्म करने लेई तैयार ऐ। उं'ने समर्थ निर्माण के सिखलाई, डिजिटल सार्वजनिक ढांचे, रक्षा सहयोग के संयुक्त राष्ट्र सुरक्षा परिषद च सुधारे पर बी चेचा जोर दित्ता। टिकाउ विकास के प्रति अंगोला की वचनबद्धता की सराहना करदे होई, राष्ट्रपति मुर्मु होरे भारत के नेतृत्व आहले के उं'ने प्रमुख वैश्विक कार्यक्रमे - ग्लोबल बायो फ्यूल एलायंस के इंटरनेशन बिग कैट एलायंस च शामिल होने लेई अंगोला की बधाई दित्ती। उं'ने आखेआ जे एहदे'ने वैश्विक पर्यावरण के जैविक बन्न-सबन्नता मतल्लक चुनौतिये कन्नै निबडने च अंगोला की सक्रिय भूमिका दा पता लगदा ऐ।

<><><><><><>

## **RSS Mohan Bhagwar**

राष्ट्री स्वयं सेवक संघ यानि आर.एस.एस. के सर संघचालक मोहन भागवत होरे आखेआ ऐ जे ओह समाज च बंडु गी खत्म करने लेई संवाद की पैहल करडन। बंगलुरु च कल संघ की 100 बरे की जातरा पर व्याख्यान श्रृंखला के तैहत् बोलदे होई उं'ने आखेआ जे ओह समाज च बंडु गी खत्म करिये समाजी सद्भाव लेई कम्म करडन। सरसंघचालक होरे दस्सेआ जे 1857 के पैहले स्वतंत्रता संग्राम के दरान हिंदू के मुसलमान -दौने बरतानिया हकूमत थमां मुक्ति लेई इकजुट होए हे। श्री भागवत होरे आखेआ जे अंग्रेजे इस बंडु गी बधाना शुरू करी दित्ता। उं'ने आखेआ जे आर.एस.एस. इस चाल्ली की बंडु गी खत्म करने लेई जनसंपर्क कार्यक्रम शुरू करग। आरएसएस दिएं होरने पैहलकदमिएं के बारे च बोलदे होई श्री भागवत होरे आखेआ जे संगठन सद्भावना कम्म के तैहत् ब्लॉक स्तर पर जातिगत नेताएं के धार्मिक संप्रदाये के प्रमुखे कन्नै राबता करग। एहदा मकसद समुदाऽ की तरक्की के समस्याएं

ते संघर्षों का हल कडुना ऐ। उंनें नागरिक समाज का आह्वान कीता जे ओहू समाजी सद्भाव लेई अपनी समर्थ मूजब पक्क गै जोगदान देऐ।

<><><><><><>

## **Syria-Prez. NS**

अमरीका आसेआ सीरिया दे राष्ट्रपति अहमद शरा हुंदे खलाफ आतंकवाद सरबन्धी पाबंदियां हटाए जाने दे 2 दिन बाद ओहू राष्ट्रपति डोनल्ड ट्रम्प हुंदे कन्नै गल्लबात करने लेई वाशिंगटन पुज्जी गे ना। सीरिया दे साबका राष्ट्रपति बशर अल असद गी शरा दे बलें आसेआ बरखास्त करने दे 11एं म्हीनें बाद उंदा एहू दौरा होआ करदा ऐ। इस्लामिक स्टेट दे 11 संदिग्ध लोकें दी सीरिया च गिरफ्तार दे बाद गल्लबात च इस्लामिक स्टेट दे खलाफ सांझे जत्तें पर ध्यान केंद्रित कीता जाह्ग। मुहम्मद अल जुलानी दे नां कन्नै कदें चर्चा च रेह दे शरा ध्याते ते तहरीर अल शाम एच.टी.एस दा नेतृत्व कीता। 2016 च सरबन्ध त्रुडने कोला पैहले शरा अलकायदा कन्नै जुडेआ हां अमरीका दी आतंकी सूचि थमां शरा गी हटाया जाना एच.टी.एस दे खलाफ पाबंदिएं गी खत्म करना इक बड्डे कूटनीतिक बदलाव गी दर्शादा ऐ।

<><><><><><>

## **Berlin-Balooch**

बलूच राष्ट्री आंदोलन बी.एन.एम नै बलूच शहीद दिवस दे सिलसिले च बर्लिन च इक बड्डे कार्यक्रम दा सरिस्ता कीता जेदे चसियासी नेताएं, कार्यकर्ताएं ते प्रवासी प्रतिनिधिएं हिस्सा लैता। इस मौके पर बलूचिस्तान च पाकिस्तान दे दहाकें थमां चलै करदे जुल्में, अत्याचारें दी निंदेआ कीती गई ते इक अजाद बलूचिस्तान बनाने प्रति अपना धेइया फ्ही पक्का कीता। बी.एन.एम दे अध्यक्ष डॉ. नसीम बलू च पाकिस्तान दे 1948 दे कब्जे ते मजूदा फौजी नियंत्रण दी सख्त निंदेआ करदे होई इस संघर्ष गी आस्था दी लड़ाई करार दित्ता। वलर्ड सिंधी कांग्रेस दे डॉ. लखु लुहाना नै पाकिस्तान दे पंजाबी नेतृत्व आहले शासन पर सिफी ते बलूच इलाकें दा शोषण करने दा आरोप लाया। परतून तहफ्फुज आंदोलन पी.टी.एम दे कादिर शाह अंसारीद ते तमिल कार्जकर्ता वित नंथ कुमार नै पाकिस्तानी सरकारें ते फौज दे जुल्में ज्यादतिएं खलाफ इकजुटता प्रगट कीती।

<><><><><><>

## **Gujrat-ATS**

गुजरात आतंकवाद रोधी दस्ते नै गांधी नगर दे अडालज थमां त्रै संदिग्ध आतंकवादिएं गी गिरफ्तार कीता ऐ। शुरूआती जांच थमां पता लग्गा ऐ कि एहू त्रवै आतंकी आई.एस.आई.एस कन्नै जुडे दे हे। गिरफ्तार कीते गेदे आतंकवादिएं कोला थेआर बी बरामद कीते गे ना। एहू आतंकवादी देसै दे बक्ख-बक्ख हिस्सें च आतंकी हमलें गी अंजाम देने दी साजश रचै करदे हे। इन्दे कोला होर मती जानकारी हासल करने लेई पुलस अगगे दी जांच करै करदी ऐ।

<><><><><><>

## **Anti Terror Ops**

जम्मू-कश्मीर पुलसै रामबन, डोडा ते किश्तवाड़ जिलें सने समूलचे जम्मू संभाग दे बक्ख-बक्ख इलाकें च आतंकवादियें ते उन्दे समर्थकें खलाफ अपनी कार्रवाई गी होर तेज करी दित्ता ऐ। रामबन पुलस नै इक सोशल मीडिया पोस्ट च इस बारै जानकारी दिंदे होई आखेआ जे इलाके च आतंकवादी गतिविधियें गी रोकने दे मकसद कन्नै ओवर ग्राउंड वर्करें आस्तै घेराबंदी ते तपाशी अभियान चलाए जा करदे ना। एहू अभियान उनें आतंकवादियें ते उन्दे सहयोगियें खलाफ चलाए जा करदे न, जेह्डे पाकिस्तान च बैठे दे हुकमरानें दे भैडे मंसूबें गी पूरा करने लेई इत्थे आतंकवादी गतिविधियें गी अंजाम देने दी कोशिश करा करदे ना। इस्से चाल्ली डोडा ते किश्तवाड़ पुलस नै बी ओवर ग्राउंड वर्करें ते आतंकवाद सहयोगी संगठनें खलाफ बड्डे पैमाने पर अभियान शुरू कीते दा ऐ तां जे खिते थमां नेटवर्क गी पूरी चालली खत्म कीता जाई सकै। नेकें थाहें पर तपाशी जारी ऐ ते होर ब्यौरे गी अजें बलगेआ जा करदा ऐ। तोअई, डोडा वेस्ट थमां विधायक शक्ति राज परिहार होरें पुलिस दी इस गेंड दा सोआगत कीता।

<><><><><><>

## SIA-Narco

जम्मू-कश्मीर दी राज्य जांच एजेंसी एस.आई.ए जम्मू-कश्मीर नै मुम्बई ब्हाई अड्डे थमां नशीले पदार्थे कन्नै सरबंधत आतंकवाद माड्यूल दे सरगना दी गिरफ्तारी कन्नै इक बड्डी कामयाबी हासल कीती ऐ। इक सोशल मीडिया पोस्ट च एस.आई.ए नै दस्सेआ जे पुंछ हवेली तहसील दे देगवार-तेरवान ग्रांठ दा बसनीक मोहम्मद अरशद दर्ज आसिफ जोड़ा 2023 थमां फरार ते साउदी अरब थमां अपनी गतिविधियां चला करदा हा, उसी हिरासतै च लैता गेआ ऐ। ओहू नार्को टैरर माड्यूल दा सरगना ते पाकिस्तान स्थित नशीले पदार्थे दा कारोबार करने आहले ते जम्मू-कश्मीर च नार्को टैरर गुर्गे बश्कार इक मुख्ब कड़ी हा। एहदे शा पैहले ओहदे खलाफ इक्क लुक आउट सर्कुलर ते गैर जमानती वारंट जारी कीते गेदे हे। औहदी गिरफ्तारी नशीले पदार्थे कन्नै सरबंधत आतंकवाद खलाफ एस.आई.ए दी इक बड्डी कामयाबी ऐ।

<><><><><><>

## Air Show

भारती ब्हाई सेना दी 93में-मी ब'रे गंड दे उपलक्ष्य च ऐहदी पूर्वी ब्हाई कमान ने अज्ज गुवाहाटी च पहले पूरे-पराते एयर शो दा सरिस्ता कीता। भारती वायु सेना नै गुवाहाटी च ब्रह्मपुत्र नदी उप्पर लासित घाट पर 25 शा बद्द फारमेशनें च 75 शा बद्द ज्हाजें ते हैलीकाप्टरें दा प्रदर्शन कीता। इस ब'रे वायु सेना दिवस समारोह 'अचूक, अभेद्य ते सटीक' विशें पर केंद्रित हा जेड़ा भारती ब्हाई सेना दी क्षमता, लचीलेपन ते सटीकता गी दस्सदा ऐ। इस एयर शो च राफेल, सुखाई, अपाचे, मिग, आई.एल-78 रिफ्यूलर, मिराज, जगुआर ते होर दुए ज्हाजें इलाके दे 7 ब्हाई सैनिक अड्डें-गुवाहाटी, तेजपुर, जोरहार, चबुआ, हासीमारा, बागडोगरा ते पानागढ़ थमां डोआरियां भरियां।

<><><><><><>

## Marathon-Shetty

बॉलीवुड अभिनेता सुनील शेट्टी होरें अज्ज आखेआ जे फिल्म उद्योग शूटिंग ताई कश्मीर परतौने लेई पूरी चाल्ली तैयार ऐ। उनें मेद दस्सी ऐ जे इलाका अपना गवाचे दा मान परतियै हासिल करी लैगा। शेट्टी हुं'दी एहू टिप्पणी अप्रेल च पहलगाम च होए दे आतंकवादी हमले दे किश म्हीने बाद आई ऐ। सरकार तदुआं थमां सैलसफे गी पटरी पर आहनने दी कोश्ट करा'रदी ऐ जिसी इस हमले परेंत तगड़ा झटका लग्गेआ हा। उनें गलाया जे जम्मू-कश्मीर अपना गवाचे दा मान परतियै हासल करोग ते एहू म्हेशा शानदार मानै आहली थाहू बनी दी रौह्ग। सुनील शेट्टी नै जम्मू मैराथान दे आयोजन ताई बी.एस.एफ दी तरीफ कीती ते आखेआ जे एहदे च शामिल होना उन्दे लेई बडे मानै आहली गल्ल ऐ।

<><><><><><>

## BSF-Marathon

अज्ज बड्डुलै सरहदी मुख्यालय बी.एस.एफ. जम्मू आसेआ आयोजित पैहली बीएसएफ मैराथन-2025 गी सीमा सुरक्षा बल दे महानिदेशक दलजीत सिंह चौधरी होरें पलौड़ा स्थित बीएसएफ परिसर थमां हरि झंडी दस्सियै रवाना कीता। आपरेशन सिंदूर मगरा सीमा सुरक्षा बल दा एहू पैहला बड्डा सार्वजनिक कार्गकम हा। मैराथन च चार वर्गे- 42 किलोमीटर, 21 किलोमीटर, 10 किलोमीटर ते 5 किलोमीटर दियां द्रौड़ां रक्खी गेदियां हियां जिंदे च जम्मू दे सरहदी इलाकें, गोआंडी राज्यें ते समूलचे भारत दे बक्ख-बक्ख हिस्सें थमां आए दे प्रतिभागियें हिस्सा लैता। मीडिया गी संबोधित करदे होई बीएसएफ दे महानिदेशक दलजीत सिंह चौधरी होरें आखेआ जे इस मैराथन दा मुख्ब मकसद तंदरूस्ती दी भावना गी बदाना ते नशामुक्त राश्ट्र बनाना ऐ।

<><><><><><>